

**GARRAIORAKO BANAKAKO DIRU-LAGUNTZAK, FAMILIAKO KIDEREN  
BAT EUSKAL AUTONOMIA ERKIDEGOTIK KANPOKO ESPETXEREN  
BATEAN DUTEN PERTSONENTZAT, EDO EAE-TIK KANPOKO  
EPAITEGIETARA AUZIPETU GISA JOAN BEHARRA DUTEN  
ZUMAIARRENTZAT**

**1.- XEDEA**

Zumaiako Udalak diruz lagunduko ditu, familiako kideren bat –zigortuta edo espetxeratze prebentiboan– Euskal Autonomia Erkidegotik kanpoko espetxeren batean dutenek, horiek ikustera joandakoan, izango dituzten gastuak. Araudi honen xedea da diru-laguntza horiek erregulatzea.

Diruz lagunduko dira, halaber, EAetik kanpoko epaitegietara auzipetu gisa joan beharra dutenen garraio-gastuak.

Diru-laguntzak gastu hauetarako soilik izango dira:

- Preso dauden familiako kideei egindako bidaietako gastuak.
- EAetik kanpoko epaitegietara auzipetu gisa joan behar dutenen gastuak.

**2.- HARTZAILEAK EDO ONURADUNAK**

Laguntza horien onuradunak izango dira EAetik kanpoko espetxeetan zigortuta edo espetxeratze prebentiboan daudenen senide diren Zumaiako herritarrak. Lehentasun-ordena honako hau izango da:

- Ezkontidea edo izatezko bikotea.
- Seme-alabak.
- Gurasoak.
- Anai-arrebak.

Ordena honetan gorago daudenek lehentasuna izango dute, eta laguntzak jasotzen badituzte, beherago daudenek ez dute horretarako eskubiderik izango.

Onuradun bakarra izango da preso edo espetxeratze prebentiboan dagoen pertsona bakoitzeko. Lehentasun-ordena horretako maila berean dauden bi pertsona edo gehiago badaude, zaharrenak soilik jasoko du diru-laguntza.

Bai eskatzaileak bai presoak edo espetxeratze prebentiboan dagoenak, biek, Zumaian erroldatuta egon beharko dute diru-laguntzaren eskaera egiten denean.

### **3.- ESKAERAK AURKEZTEKO MODUA, EPEA ETA JENDEAREN AURREAN JARTZEA.**

Araudi honek erregulatutako diru-laguntza jasotzeko asmoa dutenek inprimaki bat bete beharko dute. Inprimaki hori Udaletxean eskuratu ahal izango dute, eta bertan aurkeztu agiri hauekin batera:

- a) Eskatzailearen Nortasun Agiri Nazionalaren fotokopia bat.
- b) Bizikidetza-unitateko kide guztien urteko diru-sarrerak egiaztatzen dituzten agiriak. Araudi honi dagokionez, bizikidetza-unitatea osatzen dute eskatzailearen bizilekuan bizi direnek: gurasoak, ezkontidea eta seme-alabak.
- c) Bizikidetza-unitateko kide bakoitzaren azken soldata-orria edo pentsio-agiria.
- d) Beste erakunde batzuetako diru-laguntzarik jasoko balu, edo horietan eskaerarik egin izango balitz, horien berri emango lukeen zinpeko-aitorpena.
- e) Preso edo deportatuta dagoen pertsonarekiko senidetasuna edo harremana erakusten duen ziurtagiria (familia-liburua, izatezko bikote ziurtagiria).
- f) Eskatzaileak EAetik kanpoko epaitegi batera auzipetu gisa joan beharra duela erakusten duen ziurtagiria.

### **4.- AURKEZTEKO EPEA**

Eskaerak urte guztian zehar egin daitezke.

### **5.- PROZEDURA**

Izapideak Gizarte Zerbitzuen Departamentuan egin behar dira, horretarako beharrezko diren agiriak aurkeztuta. Laguntzak Alkatearen berariazko ebazpen bidez emango dira, organo instrukzio-egileak –Gizarte Zerbitzuetako zinegotziak– proposatuta. Gizarte Zerbitzuetako batzorde informatzailearen txostena eta espedientea aztertuta egingo du proposamena zinegotziak.

## **6.- BALORAZIO-IRIZPIDEAK**

Baremo hau zehaztu da, diru-sarrera garbiak kontutan hartuta laguntzaren zer ehuneko aplikatuko den erabakitzeko:

| Bizikidetz-unitateko kide kop. | %0        | %25       | %50       | %75       | %100      |
|--------------------------------|-----------|-----------|-----------|-----------|-----------|
| 1                              | 31.209,12 | 27.307,98 | 23.406,84 | 19.505,70 | 15.604,56 |
| 2                              | 40.075,20 | 35.064,75 | 30.056,40 | 25.047,00 | 20.037,60 |
| 3                              | 44.330,00 | 38.789,52 | 33.248,16 | 27.706,80 | 22.165,44 |

- a) Presoen senideentzat: Zumaiatik kasuan kasuko espetxerako kilometro-kopurua (joan-etorria) Zumaiako Udalak emandako diru-kantitateaz biderkatuta (0,26 €/km), eta horri autopistako gastuak gehituta. Urtean bi bidaia lagunduko dira diruz.
- b) Auzipetuentzat: Epaiaketak irauten duen bitartean, Zumaiatik kasuan kasuko epaitegirako kilometro-kopurua (joan-etorri) Zumaiako Udalak emandako diru-kantitateaz biderkatuta (0,26 €/km), eta horri autopistako gastuak gehituta.

## **7.- ORDAINKETA ETA HURA EGITEKO MODUA ETA EPEA**

Diru-laguntza hauek ordainketa bakar batean emango dira, onartu eta gero.

Urtea bukatu aurretik, egindako bidaia-kopurua ziurtatuko duten agiriak aurkeztu beharko dira.

## **8.- LAGUNTZEN ALDIBEREKOTASUNA**

Araudi honetan erregulatutako diru-laguntzak bateragarriak izango dira helburu berarekin beste administrazio publiko batzuek emandakoekin. Hala ere, ezin izango da gainditu bidaien kostu osoa.

Diru-laguntzek bidaien kostu osoa gaindituko balute, soberan emandakoa itzuli beharko zaio udalari.

## **AZKEN XEDAPENAK**

Bakarra.- Indarrean sartzea eta iraunalida.

Araudi hau indarrean sartuko da Gipuzkoako ALDIZKARI OFIZIALEAN argitaratu eta hurrengo egunean.

Zumaia, 2010ko otsailak 3